

Raymond Kévorkian, Paul Paboudjian, Les Arméniens de l'Empire Ottoman à la veille du génocide, Paris, 1992, 600p.

ՌԱՅՄՈՆ ԳԵՎՈՐԿՅԱՆ ԵՎ ՊՈԼ Շ. ՓԱԲՈՒԺՅԱՆ. Հայերը Օսմանյան կայսրության մեջ ցեղասպանության նախօրյակին, Փարիզ, 1992, 600 էջ:

Ռայմոն (Հարություն) Գևորգյանի և Պոլ Շ. Փաբուճյանի գրախոսվող մեծարժեք ու մեծածավալ գիրքը հեղինակների երկարամյա ու վերին աստիճանի բարեխիղճ պրպտումների արդասիքն է: Այն բաղկացած է 600 մեծադիր էջից, 925 մեծ ու փոքր չափսի լուսանկարից, 29 քարտեզից, մոտ 6000 անձնանունների ու տեղանունների ցանկից, որոնք ընդգրկում են Արևմտյան Հայաստանի, Հայկական Կիլիկիայի և Օսմանյան կայսրության ամբողջ տարածքում սփռված հայաշատ վայրերի՝ քաղաքների, գավառների, նահանգների մեծ ու փոքր հարյուրավոր հայկական գյուղերի պատմությունը հին ժամանակներից, նրանց հիմնադրության օրերից սկսած մինչև հայակործան պատերազմը և 1915-ի աղետը:

Այս ահռելի փաստագրական նյութը հեղինակները երկար տարիների ընթացքում քաղել են հայ ու օտար աղբյուրներից՝ սկսած Ֆրանսիայի արտաքին գործոց մինիստրության արխիվները և վերջացրած Կ. Պոլսի հայ պատրիարքարանի դիվանները, ֆրանսիացի, բուլղ, անգլիացի, հայ պատմաբանների աշխատություններից: Գրքի առաջին մասի յոթ գլուխների վերնագրերն ինքնին խոսում են. քաղաքական ու կրոնական աշխատություններ, Հայ աղայի ղեկավարների քաղաքականությունը, ժողովրդագրական ու տարածքային հարցեր, Մարդը և հողը, ժողովրդագրություն և վարչական կտրատումներ, Տնտեսությունը և հասարակությունը, Հայկական վերածնունդ, Կաթոլիկ և բողոքական համայնքները:

Երկրորդ մասում, որը վերնագրված է Մարդիկ և նրանց հողը, լուսանկարներով շարադրվում է հայերի կյանքն ու դործը հետևյալ գլուխներում՝ Մայրաքաղաքը (Կոստանդնուպոլիս, Թրակիա), էգեյան ծովափ (Ջուլուսիա, Կոնիայի վիլայեթ և այլն), Անատոլիա, Կիլիկիա և Բարձր Հայք: Եվ այս ամենը արվում է ըստ վիլայեթների, սանջակների, գավառակների՝ նրանց մեջ մտնող քաղաքներով ու գյուղերով: Չկա հայ ժողովրդի արևմտյան հատվածի կենսագործունեության որևէ մի բնադավառ, նրա կյանքի ու պայքարի որևէ մի կողմ, որը դուրս մնացած լինե՞ր այս հոյակապ հատորի տեքստից ու պատկերներից:

Հիրավի, ղեհհատելի մի գործ, արևմտահայության յուրօրինակ մի հանրագիտարան, որը ֆրանսախոս ընթերցողին հասկանալի է դարձնում, թե ի՞նչ արժեքներ են ստեղծել և թողել քաղաքակրթության Արևմտյան Հայաստանում և Օսմանյան կայսրության տարածքում ապրած հայերը, և թե ի՞նչու նրանց ժառանգներն այսօր չեն ապրում իրենց պապենական հողերում:

Վերջում կցանկանալի ասել, որ առաջին հեղինակը՝ Ռայմոն Գևորգյանը, հայտնի է և որպես Փարիզի նուպարյան մատենադարանի տնօրեն, և՛ որպես շնորհալի ուսումնասիրող, գիտական մի շարք գործերի հեղինակ: Մասնավորապես նա պրոֆեսոր Ժան-Պիեռ Մահհի հետ 1988 թ. ֆրահսերեն հրատարակել է «Հայաստան. 3000-ամյա պատմություն» հիմնալի հատորը:

Ռ. Կ. ՍԱՀԱԿՅԱՆ

Վասմական դիտությունների պակտս: